

Himpunan 15 Jun ini boleh diteruskan jika...

MalaysiaKini.com

June 4, 2013

By Aidila Razak

Himpunan Blackout 505 di Kuala Lumpur pada 15 Jun ini boleh diteruskan jika Akta Perhimpunan Aman 2012 dipatuhi, kata Menteri Dalam Negeri Datuk Seri Ahmad Zahid Hamidi.

Beliau berkata sekiranya Ketua Umum PKR Datuk Seri Anwar Ibrahim mahu mengadakannya di kawasan yang ditetapkan dalam akta tersebut, maka polis akan membenarkannya.

Ahmad Zahid menjawab berhubung himpunan yang dirancang itu walaupun Yang di-Pertuan Agong bertitah agar semua pihak menerima keputusan pilihan raya umum yang lalu.

Semalam Anwar berkata keputusan sama ada himpunan itu akan dibuat di dalam stadium atau di jalan raya masih belum diputuskan.

Akta Perhimpunan Aman 2012 memperuntukkan supaya pihak berkuasa perlu diberikan notis sepuluh hari sebelum sebarang himpunan diadakan manakala kebenaran bertulis perlu diperolehi daripada pemilik tapak himpunan.

Copyright © 1999-2012 Mkini Dotcom Sdn. Bhd

Source: <http://www.malaysiakini.com/news/231991>